

Nr.regj. 24126/2012

GJYKATA KOMUNALE PËR KUNDËRVAJTJE NË PRISHTINË, duke vendosur në procedurën për kundërvajtje kundër të pandehurit Besim Tahiri nga Prishtina, për kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, Nr.04/L-050, në bazë të nenit 73,74,195,199 të Ligjit mbi Kundërvajtjet GZK 23/79, me datë **01.08.2012** merr këtë:

AKTVE N D I M

I PANDEHURI: Besim Ramadan Tahiri, i lindur më 22.06.1973 në Mitrovicë, tani jeton në Prishtinë, me vendbanim në Sheshin "Nëna Terezë" pn, Menaxher i Prokurimit në Sekretariatit e Zyrës në Prokurorinë e Shtetit, me shkollim superior, i martuar, i gjendjes së mesme ekonomike,

Ë s h t ë P ë r g j e g j ë s

Sepse, si Zyrtar i Lartë Publik, në pozitë të në Sekretariatit e Zyrës në Prokurorinë e Shtetit, nuk e ka bërë deklarimin e rregullt të gjendjes së pasurisë në Agjencinë Kundër Korrupsionit, brenda afatit ligjor deri më 31.03.2012,

- **me çka ka kryer kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik**, andaj të pandehurit për këtë kundërvajtje i shqiptohet,

D Ë N I M I

Me gjobë në shumë prej 1500 € (Njëmijëpesëqind Euro) të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. Paguesa bëhet në ndonjë agjenci për mbledhjen e të hyrave-bankë, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej 30 ditësh, duke llogaritur nga 15 Euro për një ditë burgimi. Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej **5 Euro** në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit.

A r s y e t i m

Agjencia Kundër Korrupsionit në Prishtinë, i parashtroi kësaj gjykate Kërkesën 01-2164/2012 me datë 27.06.2012 për fillimin e procedurës kundërvajtëse ndaj të pandehurit të lartshënuar për kundërvajtjen e precizuar si në dispozitiv të këtij aktvendimi.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon kundërvajtjen e cila i vihet në barrë duke shtuar se përkundër faktit se ka qenë me kohë dhe në mënyrë të rregullt i njoftuar për çështjen e deklarimit të rregullt të pasurisë nga zyrtari i personelit të Prokurorisë së Shtetit, i njëjti vërtetë nuk ka arritur bërë deklarimin e rregullt të pasurisë deri në përmbyllje të afatit ligjor me datë 31.03.2012. Në vazhdim i pandehuri thekson se në Agjenci Kundër Korrupsionit ka shkuar dy herë me datë 30.03.2012 dhe 02.04.2012 për të bërë deklarimin e rregullt të pasurisë, por nuk ia ka arritur të dorëzojë formularin për shkak të rradhës së zyrtarëve në pritje për të dorëzuar formularët,

REPUBLIKA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep.	Nr. Prot. Br. Prot. Prot No.
Dep. DPE/DMP	03-2796/12
Nr. i faq. Broj stranica Nr. pages	Data Datum Date
02	06.08.2012
PRISHTINE	

ndërsa për shkak të punëve në zyrë nuk ka mundur të pres gjatë, andaj siç thekson tashmë obligimin e deklarimit të pasurisë e ka përmbushur pavarësisht vonesës, saktësisht me datë 05.04.2012.

Nga të dhënat në kërkesë, vlerësimi i deklaratës së të pandehurit dhe shqyrtimi i shkresave të tjera të lëndës, administrimi i secilës veç e veç dhe të gjitha së bashku, gjyqtarja në masë të mjaftueshme vërtetoi gjendjen e plotë dhe të drejtë faktike, ekzistimin e veprës kundërvajtëse dhe përgjegjësisë së të pandehurit për këtë kundërvajtje, meqë i njëjti nuk e ka rrespektuar afatin e dhënë ligjor për deklarim të rregullt të pasurisë, çështjen e kaë neglizhuar, ndërsa fakti të qenunit apo jo në hapësirat e Agjencisë është shumë irrelevant dhe në asnjë rrethanë të pandehurin nuk e liron nga përgjegjësia për mosdeklarim brenda afatit, përndryshe afati nuk ka qenë i përcaktuar vetëm me datë 31.03.2012 por deri më datë 31.03.2012, andaj për kundërvajtjen e kryer i shqiptoi dënimin e paraparë ligjor.


Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe sipas peshës së kundërvajtjes e shkallës së përgjegjësisë së pandehurit, e duke vlerësuar edhe personalitetin e të pandehurit e gjendjen e tij materiale, të njëjtin e dënoi me dënimin me gjobë të precizuar si në dispozitiv të këtij aktvendimi, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të natyrës së tillë apo të ngjashme.

Me sa u tha më lartë u vendos si në dispozitiv të këtij aktvendimi.

U VENDOS NË GJYKATËN KOMUNALE PËR KUNDËRVAJTJE NË PRISHTINË
Nr.regj.24126/2012, datë 02.08.2012

Gjyqtarja

Suzana Çerkini



KËSHILLA JURIDIKE për këtë aktvendimi pala e pakënaqur ka të drejtë ankese në afat prej 8 ditësh Gjykatës së Lartë për Kundërvajtje në Prishtinë, nga data e pranimit të njëjtit nëpërmjet kësaj gjykate, pa taksa.